

waaliddiinta iyo daryeelayaasha

Maxay yihiin Workbooks?

Workbooks waxaa ku yaala wax kasta oo ilmahaagu uga baahan yahay shaqada waxbarasho ee guriga ee dugsiiga hoose, hal maado sannad dugsiyeedkii.

Shaqada waxbarasho ee guriga ee Workbook waa shaqadii waxbarasho ee fasalka oo la sii waasiciyey, wuxuuna ku salaysan yahay Manhajka Qaranka. Shaqada waxbarasho ee guriga ee Workbook wuxuu ku salaysan yahay saddex nooc oo hawlo shaqo waxbarasho guri ah: barasho, samayn, fekerid.

Layliyada barashada

Kuwaasi waxay ku lug leeyihiin waxyaalaha ay tahay in ilmahaagu barto sannadkan. Qaar, sida shaxda iskudhufashada iyo taxa erayada, waxaa loo baahan yahay in la xafiddo. Bogaggaas waxaa dactaladooda laga dhigay buluug (xisaabta) ama oranj/liimi (Ingiriisi).

Layliyada barashada, ku celcelintu waa lama huraan waxaana laga yaabaa inaad jeclaysato inaad tijaabiso xaqiiqooyinka sida shaxda iskudhufashada marka aad iskuulka ku sii socotid iyo marka aad ka soo socotid.

Layliyada samaynta

Layliyada la samaynta waxaa loo qaabeeyey in la xoojiyo barashada. Ka hel bogagga dactaladooda laga dhigay oranj/liimi (xisaabta) ama basali (Ingiriisi). Waxaa loo qoray saddex heer oo kala duwan:

- Heerka A: in lagu guulaysto kartida aasaasiga ah;
- Heerka B: in la gaadho oo lagu sugnaado heerarka la filayo ee qaranka;
- Heerka C: in la soo bandhigo caqabaddo.

Kala doordoorashadaan waxay dhamaan caruurta awood u siisaa inay guulaystaan oo horumar sameeyaan. Macalinka ayaa caadiyan dooran doona heerka, laakiin haddii sidoo kale ilmahaagu doonayo inuu isku dayo heerka ka sareeya, ku dhiirgeli inay isku dayaan!

Hawlaha fekerka

Hawlaha Fekerka (iyo Qoraalku) waxay muujiyaan sida xisaabta iyo Ingiriisada loogu adeegsan karo oo loogu dabikhi karo nolol maalmeedka. Kuwaas waxaa dactaladooda laga dhigay cagaar (xisaabta) ama casaan (Ingiriisi). Waxaa loo isticmaalaa xirfadaha laga bartay layliyada barashada iyo samaynta.

Workbooks waxaa sidoo kale ku jira waxyaalaha soo socda:

- **qaamuus yare** ka kooban erayo muhiim ah oo sannadka loogu talagalay. Caruurta waxay kan u isticmaali karaan inay dhisaan qeexitaanadooda inta sannadka lagu guda jiro;
- **bogagga gareeyga ah** oo loogu talagalay faygarka iyo hawlaha kale ee gaarka ah;
- **ku guulaysi** bog caruurta ku dhiirgelinaya inay buuxiyaan Workbook-gooda;
- Ingiriisida, **qoraal xafidan oo akhris** bog kobciya xiisayn akhris;
- xisaabta, **tixraac** wuxuu leeyahay warbixinno dheeraad ah iyo dukumeentiyo caawin leh.

Bilaabidda

Shaqada waxbarasho ee guri waxaa caadiyan la samayn doonaa isbuuc walba. Fasalka gudahiisa, ilmahaagu wuxuu Workbook-giisa ku qoran doonaa hawlaha laga rabo inay soo dhamaystiraan. Marka uu ilmahaagu bilaabo shaqadiisa waxbarasho ee guri, hubi inay garanayaan waxa ay samaynayaan. Waa inay isku dayaan inay shaqada waxbarasho ee guri sameeyaan adigoo aan caawin, laakiin waad siin kartaa caawimo iyo gacan siin marka ay u baahan yihiin.

Hubi inay haystaan waxay ku tiirsadaan iyo inay ku shaqeeyaan qalinqori – si ay u sahlanaato in khaladdaadka la saxo!

Inta badan layliyada waxaa lagu samayn karaa hal xiisad, in kasta oo qaar ka mid ah Hawlaha Fekerka laga yaabo inay ku lug leeyihiin in wax la sameeyo dhawr maalmood, sida samaynta qoraal xafidan oo ah inta ay qaadato in iskuulka la gaadho.

In la siiyo qaabka ku haboon oo ilmahaagu ku sameeyo shaqada waxbarasho ee guri waa qayb muhiim ah oo ka mid ah caawinta ilmahaaga. Tan waxaa ka mid ah:

Joogteyn

Joogteyntu waa muhiim marka isku day inaad hesho wakhti joogto ah oo aan ilmahaagu aad u daalanayn, tusaale ahaan subaxnimada maalmaha isbuuca dhamaadkiisa. Waa inay noqotaa xilli aad joogto oo aad awoodo inaad caawiso haddii loo baahdo.

Arbushaad

Isku day inaad hesho meel ilaa intii macquul ah shanqadh la'aan ah oo ilmahaagu ku sameeyo shaqada waxbarasho ee guri. Waa inay ahaataa meel iftiin fiican leh oo aan alaabooyin ku daadsanayn. Ku dhiirgeli dadka kale ee guriga jooga in anaay arbushin ilmahaaga marka uu samaynta shaqada waxbarasho ee guri!

Baahiyaha aasaasiga ah

Hubi in aan ilmahaagu daalanayn, gaajoonayn, haraadnayn, dhaxamoonayn ama cadhaysnayn marka ay u fadhiistaan inay sameeyaan shaqadooda waxbarasho ee guri. Kuwaas oo dhami waxay xanibaad ku noqdaan si taxader leh u fekeridda iyo barashada.

Marka ilmahaagu dhameeyo, waa inaad saxeexdaa shaqada waxbarasho ee guri si aad u muujiso in la sameeyey. Saxeex sanduuqa odhaahaha waalidka/daryeelaha, markaa sax mid ka mid ah sanduucyada:

- **Gacan siin** haddii ilmahaagu caawimo u baahnaa;
- **Keligood** haddii ilmahaagu keligii shaqada qabtay;
- **Kalsooni** haddii ilmahaagu keligii shaqada qabtay oo u qabtay si kalsooni leh.

Waxaa sidoo kale jirta meel banaan oo aad odhaah ku socota macalina ku qori karto – si aad ula wadaagto dhibaato ama ku guulaysi gaar ah, tusaale ahaan. Ugu dambayntii, hubi in buugani iskuulka lagu celiyo maalinta saxda ah.

Sida aad u caawin karto – ammaan oo dhiirigeli

Waalid ahaan/daryeela ahaan, waxaad awood aad u weyn ku leedahay xoojinta kalsoonida ilmahaaga – kalsooniduna lama huraan ayay u tahay waxbarashada.

Waxaad samayn kartaa farqi adigoo ilmahaaga ku dhiirigelinaya inay sameeyaan shaqada waxbarasho guri ee loo diyaariyey, iyo adigoo ka caawiya marka ay samaynayaan. Uma baahnid inaad taqaano dhammaan jawaabaha – keliya inaad u muujiso inaad danaynayso shaqadooda ayaa aad uga muhiimsan!

Haddii aan ilmahaagu hubin sidii uu u samayn lahaa shaqada waxbarasho ee guri, u akhri hawlaha oo weydii su'aalo 'degdeg' ah, sida:

- **Ma ii sharixi kartaa waxa aad samaynayso?**
- **Sidee ayaad tan u samaynaysaa?**
- **Sidee ku ogaatey waxa la samaynayo?**
- **Maxaad u baahan tahay inaad ogaato?**

Marka aad qaabkaan oo kale ilmahaaga ugala hadasho shaqada waxbarasho ee guri, waxay qaataan doorkii 'macalinka' waxayna kuu sharaxayaan waxa laga filayo. Tani laf ahaanteeda ayay muhiim u noqon kartaa.

Had iyo goor taageero haqab la'aan ah bixi, ammaan oo dhiirigeli! Isku day inaad siiso ammaan gaar ah oo ku wajahan qayb gaar ah oo ka mid ah shaqadooda, adigoo odhanaya sida: 'Waxaan ka helay sida aad...'; oo had iyo goor ilmahaaga ku dhiirigeli inay isu hanweynaan dhab a ka qaataan shaqadooda.

Haddii wakhtigu kugu yar yahay, caawimo iyo gargaar shaqo waxbarasho oo guri waxaa bixin kara qof kasta oo la aaminsan yahay – wuxuu noqon karaa walaal wiil ama gabadh ah, ayeeyo/awoowe ama deris; khasabna maaha inuu mar walba noqdo qof isku mid ah.

Waxbarashadu waa inay ahaataa masuuliyad ay wadaagaan guriga iyo iskuulku, shaqada waxbarasho ee guriguna waxay noqon karaa buundada isku xidha labadaa goobood ee nololsha ilmahaaga. Haddii aad si iskaashi ah aad iskuulka ula shaqayso, waxaad farqi dhab ah ku samaynaysaa barashada ilmahaaga!

Wixii warbixino dheeraad ah, booqo boggayaga internet-ka: www.workabook.co.uk